

## **2004ko bigarren hiruhilekoan, ezkontza gutxiago izan ziren 2003ko aldi berean baino**

***2004ko apirilean, maiatzean eta ekainean 3.002 ezkontza kontatu ziren.***

2004ko apirilean, maiatzean eta ekainean 3.002 ezkontza kontatu ziren Euskal AEn, aurreko urteko hiruhileko berean baino %3,1 gutxiago, Eustaten datuen arabera. Lurralde historikoka, bizkaitarrek 1.476 ezkontza ospatu zituzten, gipuzkoarrek 993 eta arabarrek 397. Euskal AEz kanpo bizi direnen kasuan, ezkontzak 136 izan ziren.

### ***Ezkontza zibilak gehitu egin ziren***

Aurreko hiruhilekoaren aldean, hiruhileko honetan ezkontza gehiago izan ziren, maiatzean eta ekainean izaten direlako ezkontza gehien. Beste alde batetik, tarte honetako ezkontzen %41,4 ezkontza zibilak izan ziren, eta portzentaje hori 2003ko aldi berekoa baino ia 7 puntu handiagoa da. Era berean, proportzio hori 2004ko aurreneko hiru hilabeteetan baino nahiko txikiagoa da, aldi hartako ezkontzen %64,5 zibilak izan baitziren.


2004ko bigarren hiruhileko horretako 3.002 ezkontzetan, bizilekua Euskal Autonomia Erkidegoan duten 2.891 gizonezko eta 2.951 emakumezko ezkondu ziren. Horietatik 2.696 senarrentzat (%93,3), lehen ezkontza izan zen; 16 alargun eta 179 dibortziatu, aldiz, berriro ezkondu ziren. Lehen ezkontza zuten emakumeen ehunekoak gizonezkoena baino zertxobait altuagoa izan zen: aurretik ezkongabeak ziren emakumeak 2.780 (%94,2) izan ziren; alargunak, 7; eta dibortziatuak, 164.

### ***Ezkonberrien adinak gorantz jarraitu zuen***

Ezkontideek eztei-egunean zuten adinari erreparatuta, senarren artean, %68,9k 30 urtetik gora zituzten; emazteen artean, berriz, %51,5ek. Ehuneko biak 2003ko hiruhileko berean izandakoak baino handiagoak dira, aldi hartan %65,9 eta %45,1 izan baitziren, hurrenez hurren.

|                   | 2004ko 2. hiruhilekoa |              | Aurreko hiruhilekoa<br>(2004ko 1. hiruhilekoa) |              | Aurreko urteko hiruh. bera<br>(2004ko 2. hiruhilekoa) |              |
|-------------------|-----------------------|--------------|------------------------------------------------|--------------|-------------------------------------------------------|--------------|
|                   | kop.                  | %            | kop.                                           | %            | kop.                                                  | %            |
| <b>EZKONTZAK</b>  | <b>3.002</b>          | <b>100,0</b> | <b>1.241</b>                                   | <b>100,0</b> | <b>3.098</b>                                          | <b>100,0</b> |
| Kanonikoak        | 1.760                 | 58,6         | 440                                            | 35,5         | 2.022                                                 | 65,3         |
| Zibilak           | 1.242                 | 41,4         | 801                                            | 64,5         | 1.076                                                 | 34,7         |
| <b>SENARGAIK</b>  | <b>2.891</b>          | <b>100,0</b> | <b>1.196</b>                                   | <b>100,0</b> | <b>2.980</b>                                          | <b>100,0</b> |
| Ezkongabeak       | 2.696                 | 93,3         | 1.100                                          | 92,0         | 2.798                                                 | 93,9         |
| Alargunak         | 16                    | 0,6          | 15                                             | 1,3          | 20                                                    | 0,7          |
| Dibortziatuak     | 179                   | 6,2          | 81                                             | 6,8          | 162                                                   | 5,4          |
| <b>EMAZTEGAIK</b> | <b>2.951</b>          | <b>100,0</b> | <b>1.221</b>                                   | <b>100,0</b> | <b>3.048</b>                                          | <b>100,0</b> |
| Ezkongabeak       | 2.780                 | 94,2         | 1.106                                          | 90,6         | 2.885                                                 | 94,7         |
| Alargunak         | 7                     | 0,2          | 7                                              | 0,6          | 13                                                    | 0,4          |
| Dibortziatuak     | 164                   | 5,6          | 108                                            | 8,8          | 150                                                   | 4,9          |

**1. grafikoa: Ezkontzen hilez hileko mugimendua**



Iturria: EUSTAT

oinarria 100= b.b.

**Argibide gehiagorako:**

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxa: +34-945 01 75 01 E-maila: [eustat@eustat.es](mailto:eustat@eustat.es)

Harremanetarako pertsona: Martín González Hernández

Tel.: 49-945 01 75 49. Faxa: +34-945 01 75 01

Prentsa-oharrak Interneten: [www.eustat.es](http://www.eustat.es)